

十月功完造化堅若加火候必傷丹仙房氣血渾忘卻寶鼎金  
爐不用看面壁九年形脫殼身超三界體生翰祇緣黍米吞歸  
腹行滿功成跨鳳鸞

上吞下啗兩弦弦逐節隄防入玉田往往來來賓返主夫夫婦  
婦倒和顛結丹已喜嬰兒兆出殼皆憑聖母全遠近遨遊看四  
正東西南北任周旋

鞘光晦跡隱紅塵有作誰知妙更真伏虎降龍須混俗超凡入  
聖乃驚人深深祕祕修丹道白白明明顯至神藥鏡玄機俱泄  
盡古今由此達天津

金碧參同及指玄翠虛性命與忠仙陰符寶字逾三百道德靈  
道藏輯要

三丰全集

玄要篇上

三

續畢集八  
川文川

文貫五千入藥鏡中推橐籥悟真篇內究蹄筌金丹切近叮嚀  
語總論前弦與後弦

火候功夫本自然能通此妙卽神仙五行攢簇盜天地八卦循  
環作聖賢造化爐中烹日月乾坤鼎內產金蓮有人識得精微  
理隨我飛昇朝帝前

虔誠稽首拜星君頂禮星辰護本身二十八宿齊朗耀三百六  
度盡分陳上聖能攢年月日中宮保合氣精神照臨應許增遐  
壽掩映還同一曜新

### 大丹詩八首書武當道室示諸弟子

學道修真出世塵遨遊雲水樂天真身中靈藥非金石腹內神

砂豈水銀採煉功夫依日月烹煎火候配庚辛黃婆媒媾三家  
合飲酒觀花遍地春

採聚他家一味鉛捉精煉氣補先天前弦八兩後弦八兩藥還  
時外藥還紫府玄宮垂寶露黃芽白雪化金蟾神仙妙用常如  
此火裏能栽九節蓮

初關中關與後關下田中田與上田層次原來分井井火功須  
要法乾乾室窗透亮三更到晝夜通紅九鼎全文武陰陽勤轉  
煉關開萬竅好朝天

身內功夫我自知天機玄妙有誰窺初尋龍虎來爭戰又見龜  
蛇喜唱隨天地倒顛觀否泰火符起止在虛危南辰北斗映前  
道藏輯要 三丰全集 玄要篇上 三 續畢集八 川三六  
後日月烏蟾來往飛

修真大道乾坤採取陰陽造化功要制天魂生白虎須擒地  
魄產青龍運回至寶歸中含變化陽神入上宮一氣凝成丹一  
粒人能吞服貌如童

道法傍門有萬千不知火候總徒然先窮妙理將真悟後拜明  
師把訣傳欲使三家情意合只憑一點道心堅朝朝煅煉精神  
炁結就真神上九天

尋真要識虛無竅功夫只在意所到往來順逆煉陰陽升降坎  
離在顛倒恍恍惚惚太極生香杳冥冥嬰兒兆出玄入牝由自  
然若忘若存守壇竈

知先達後煉金丹火冷水乾做不全上德無爲成至聖下功有  
作在周天一陽動處窺天地二品合時生佛仙月裏栽花無片  
晌蟾光現出照西川

瓊花詩

瓊枝玉樹屬仙家未識人間有此花清致不沾凡雨露高標長  
帶古烟霞歷年既久何曾老舉世無雙莫浪誇幾欲載回天上  
去擬從博望借靈槎

七絕

真心浩浩無窮極無限神仙從裏出世人耽着小形骸一顆玄  
珠人不識

道藏輯要

三丰全集

玄要篇上

二

續單集八

又

佛印指出虛而覺丹陽訣破無中有捉住元初那點真萬古千  
秋身不朽

又

沂流一直上蓬萊散布甘泉潤九垓從此丹田沾潤澤黃芽遍  
地一齊開

又

年月日時空有着卦爻筋兩亦支離若曾會得綿綿意正是勿  
忘勿助時

又